

2. gr.

- a. Gjald fyrir efnarannsóknir, sem ekki eru tilgreindar í þessari skrá, ákveðast með hliðsjón af sambærilegum rannsóknum eða í samræmi við þann tíma og kostnað, sem slíkar rannsóknir krefjast.
- b. Gjaldskrá sú, er að framan greinir, miðast við, að rannsókn fari fram hjá Rannsóknastofnun fiskiðnaðarins án óeðlilega mikils undirbúnings á sýnishornum þeim, sem rannsökuð eru. Verði rannsókn að fara fram utan Rannsóknastofnunarinnar, skal reikna útlagðan ferðakostnað og kaup sérfræðings.

3. gr.

Þegar sýnishornataka á útfluttu mjöli eða lýsi er á vegum Rannsóknastofnunar fiskiðnaðarins, greiðast kr. 200.00 fyrir hvert sýnishorn auk launa starfsmannsins, sem annast sýnishornatökuna.

Þegar sýnishornataka á útfluttum niðursuðuvörum er á vegum Rannsóknastofnunar fiskiðnaðarins, greiðast aðeins laun starfsmannsins og ferðakostnaður.

4. gr.

Forstjóra er heimilt að veita afslátt á gildandi gjaldskrá, ef um er að ræða fyrirfram, samningsbundnar rannsóknir eða rannsóknaverkefni, er hafa visindalegt eða almennt hagnýtt gildi.

Gjaldskrá þessi er sett samkvæmt lögum nr. 64 21. maí 1965, um rannsóknir í þágu atvinnuveganna til að öðlast þegar gildi og birtist til eftirbreytni öllum þeim, sem hlut eiga að máli.

Sjávarútvegsmálaráðuneytið, 8. júlí 1969.

Eggert G. Þorsteinsson.

Jón L. Arnalds.

REGLUGERÐ**um 6. flokk veðdeildar Búnaðarbanka Íslands.****1. gr.**

Veðdeildinni er heimilt að gefa út nýjan flokk bankavaxtabréfa og verða þau kölluð 6. flokkur. Ákvæði 16. gr. 3. mgr. laga nr. 115 7. nóvember 1941 tekur ekki til þessa flokks bankavaxtabréfa.

Fjárhæðir bréfanna skulu vera 100 000.00, 50 000.00, 10 000.00 og 5000.00 krónur og skal hver deild hafa sérstakt bókstafseinkenni, en hvert bréf tölusett. Bankavaxtabréfunum skulu fylgja 20 vaxtamiðar.

Bankavaxtabréfin skulu afhent eingöngu til greiðslu á lausaskuldum bænda vegna framkvæmda, sem þeir hafa ráðist í á árunum 1961—1968, að báðum meðtöldum.

2. gr.

Til tryggingar bankavaxtabréfum þessum er:

1. Veðskuldabréf þau, sem veðdeildarflokkurinn fær frá lántakendum.
2. Varasjóður veðdeildarflokksins.
3. Ábyrgð ríkissjóðs.

Ef taka þarf til trygginganna, skal það gert í þeirri röð, sem að framan greinir.

3. gr.

Vextir af bankavaxtabréfunum skulu vera 8½% á ári, er greiðast eftir á fyrir eitt ár í senn hinn 2. maí ár hvert.

4. gr.

Afborgun og endurgreiðslum lána skal varið til innlausnar bankavaxtabréfanna og fer eftir hlutkesti, sem notarius publicus hefur umsjón með. Þegar hlutkesti hefur farið fram, skal auglýsa í Lögbirtingablaðinu með 6 mánaða fyrirvara, tölurnar á bankavaxtabréfum þeim, er upp hafa komið til innlausnar. Gjaldalagi innleystra bréfa og vaxtamiða er 2. maí ár hvert.

5. gr.

Fé veðdeildarflokksins má lána gegn veði í fasteignum bænda. Lánsfjárhæðin má eigi vera hærri en svo, að hún, ásamt áhvilandi skuldum á fyrri veðréttum fari ekki fram úr 75% af matsverði veðsins.

Lánstíminn skal vera allt að 20 árum.

Ársvextir skulu vera 9%, þar í innifalið ½% kostnaðartillag til varasjóðs.

Lánin eru greidd í bankavaxtabréfum, sbr. 1. gr.

6. gr.

Að öðru leyti gilda almenn ákvæði laga nr. 115 7. nóvember 1941 um Búnaðarbanka Íslands, III. kafli 13. til 30. gr. og fyrirmæli um veðdeild bankans frá 30. apríl 1930, að því er snertir lánaflokk þennan.

Reglugerð þessi er sett samkvæmt lögum nr. 115 7. nóvember 1941, um Búnaðarbanka Íslands, og lögum nr. 31 25. apríl 1969 og öðlast þegar gildi.

Landbúnaðarráðuneytið, 9. júlí 1969.

Ingólfur Jónsson.

Gunnaugur E. Briem.

Staðfesting forsetans á skipulagsskrá fyrir Minningarsjóð séra Páls Sigurðssonar, sóknarprestis í Bolungarvík, útgefin á venjulegan hátt ad mandatum af dómsmálaráðherra, 10. júlí 1969.

Skipulagsskráin er þannig:

SKIPULAGSSKRÁ

fyrir Minningarsjóð séra Páls Sigurðssonar, sóknarprestis í Bolungarvík.

1. gr.

Sjóðurinn heitir: Minning séra Páls Sigurðssonar.

2. gr.

Sjóðurinn er stofnaður í minningu um séra Pál Sigurðsson, fyrsta sóknarprest Hólsprestakalls í Bolungarvík, á 65. fæðingardegi hans, 29. ágúst 1949, fyrir forgöngu Bolvíkingafélagsins í Reykjavík. Stofnendur eru nokkrir fyrrverandi Bolvíkingar og vinir séra Páls.